

Wajibkan kuarantin 14 hari

Bagi individu baru pulang dari Sabah supaya kes tidak merebak lebih teruk

Oleh HASNIZA HUSSAIN

SHAH ALAM

Potensi penularan kes koronavirus (Covid-19) tidak mustahil terus meningkat di seluruh negara sekiranya prosedur operasi standard (SOP) serta nasihat Kementerian Kesihatan Malaysia (KKM) kepada mereka yang terdedah dengan risiko jangkitan tidak diambil serius.

Pakar Perubatan Kesihatan Awam Fakulti Perubatan dan Sains Kesihatan Universiti Putra Malaysia (UPM), Profesor Madya Dr Malina Osman berkata, kebanyakan kes yang berlaku adalah mereka yang baru pulang dari Sabah.

Beliau berkata, adalah



DR MALINA OSMAN

lebih baik bagi semua individu yang pulang dari Sabah memilih untuk kekal menjalani kuarantin 14 hari walaupun ujian saringan awal semasa kedatangan adalah negatif.

“Malah, saya sangat mengesyorkan agar kerajaan mewajibkan kuarantin 14 hari untuk semua yang kembali dari Sabah. Walaupun kerajaan dan KKM menjelaskan rasional mengapa kuarantin 14 hari tidak diwajibkan pada semua yang pulang, namun potensi penularan agak ketara kerana mereka berkongsi pesawat untuk pulang dan tiada penjarakan fizikal, malah dibenarkan membuka pelitup



Saya sangat mengesyorkan agar kerajaan mewajibkan kuarantin 14 hari untuk semua yang kembali dari Sabah ini.”

muka untuk makan dalam pesawat.

“Selain itu, kuarantin juga sebaiknya dilaksanakan di pusat kuarantin dan bukan di rumah. Kos kuarantin perlu ditanggung sepenuhnya oleh individu berkenaan,” katanya ketika dihubungi *Sinar Harian* di sini semalam.

Dr Malina berkata, beliau juga melihat terdapat keperluan untuk kerajaan melaksanakan sekatan perjalanan keluar masuk Sabah kecuali pada urusan yang dibenarkan.

Malah, katanya, beliau berharap agar ketidakpatuhan serta kelekaan dapat dicegah daripada terus berlaku.